

Heriotzak %7 gutxitu ziren 2003ko lehenengo hiruhilekoan

2003ko urtarril, otsail eta martxoan 4.853 lagun hil ziren; horietatik %53 gizonezkoak ziren eta %47 emakumezkoak.

2003ko lehenengo hiruhilekoan, Euskal AEn 4.853 lagun hil ziren, iazko aldi berean baino %7 gutxiago, EUSTATen datuen arabera. Lurralde historikoka, Araban 553 lagun hil ziren (%-8,6), Bizkaian 2.704 (%-6,1) eta Gipuzkoan 1.596 (%-7,9)

Normalean, lehenengo hiruhilekoan izaten da heriotza gehien eta arnas aparatuko gaitzak izaten dira heriotza-kopuruan gehikuntza handiena izaten dutenak. Aurten, arnas aparatuko gaitzek eragindako heriotzen gehikuntza %30,8ko izan zen, aurreko hiruhilekoaren aldean,. Hala ere, aipatzekoa da aurtengo eragin txikia iazko hiruhileko berean izan zuenaren aldean, %22 heriotza gutxiago izan baitziren kausa honengatik. Beraz, arnas aparatuko gaitzak heriotza guztien %11,4 hartu zuten, 2002ko lehenengo hiruhilekoan baino bi puntu gutxiago.

Heriotzen kausa nagusia zirkulazio-aparatuko gaixotasunak izan ziren: 1.580 lagun hil ziren gaixotasun horiengatik (%32,6). Jarraian tumoreak datoz, 1.349 heriotzarekin (%27,8)), eta hirugarrenik, askoz urrunago, arnas aparatuko gaixotasunak, 551 heriotza eragin baitzituzten.

Heriotzen kausak ez ziren berdinak izan sexu batean eta bestean: gizonezkoen artean, tumoreak hilgarriago gertatu ziren zirkulazio-aparatuko gaixotasunak baino; emakumezkoen artean, berriz, heriotza-kausa nagusia gaixotasun kardiobaskularrak izan ziren, eta tumoreak bigarren. Arnas aparatuko gaixotasunak izan ziren, berriro ere, hirugarren heriotza-kausa bi sexuetan, baina horien eragina txikiagoa izan zen, 2002ko hiruhilekoan baino, emakumezkoengan zein gizonezkoengan.

2003ko lehenengo hiruhilekoan izandako heriotzen artean, 9 heriotza urtebetetik beheragoko haurrei egokitu zitzaizkien: 4 mutikori eta 5 neskatori.

2003ko lehenengo hiruhilekoko hazkunde begetatiboa negatiboa izan zen, 337 laguneko biztanle-galerarekin. Herrialdeka, saldo positiboak izan ziren Araban eta Gipuzkoan, 39 eta 14 biztanle irabazi baitzituzten, hurrenez hurren. Bizkaian, oster, heriotzak gehiago izan ziren jaiotzak baino (-390).

1. taula: Euskal AEko heriotzak sexuka, heriotza-kausaren arabera.
Hiruhilekoen alderaketa.

	2003ko 1. hiruhilekoa		Aurreko hiruhilekoa (2002ko 4.hiruhilekoa)		Aurreko urteko hiruh. bera (2002ko 1. hiruhilekoa)	
	Kop.	%	Kop.	%	Kop.	%
HERIOTZAK	4.853		4.510		5.217	
Gizonezkoak	2.571	53,0	2.398	53,2	2.744	52,6
Emakumezkoak	2.282	47,0	2.112	46,8	2.473	47,4
HERIOTZA-KAUSA						
GUZTIRA	4.853		4.510		5.217	
Tumoreak	1.349	27,8	1.348	29,9	1.404	26,9
Zirkulazio-aparatua	1.580	32,6	1.420	31,5	1.564	30,0
Arnas aparatua	551	11,4	421	9,3	706	13,5
Txegoste-sistema	286	5,9	241	5,3	259	5,0
Istripuak	164	3,4	161	3,6	148	2,8
Gainerako gaixotasunak	923	19,0	919	20,4	1.136	21,8
GIZONEZKOAK	2.571		2.398		2.744	
Tumoreak	875	34,0	839	35,0	909	33,1
Zirkulazio-aparatua	758	29,5	685	28,6	723	26,3
Arnas aparatua	301	11,7	256	10,7	383	14,0
Txegoste-sistema	161	6,3	127	5,3	154	5,6
Istripuak	120	4,7	101	4,2	100	3,6
Gainerako gaixotasunak	356	13,8	390	16,3	475	17,3
EMAKUMEZKOAK	2.282		2.112		2.473	
Tumoreak	474	20,8	509	24,1	495	20,0
Zirkulazio-aparatua	822	36,0	735	34,8	841	34,0
Arnas aparatua	250	11,0	165	7,8	323	13,1
Txegoste-sistema	125	5,5	114	5,4	105	4,2
Istripuak	44	1,9	60	2,8	48	1,9
Gainerako gaixotasunak	567	24,8	529	25,0	661	26,7

Iturria: EUSTAT

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tlf:+34-945-01 75 00 Faxa:+34-945-01 75 01 E-maila: eustat@eustat.es

Harremanetarako pertsona: Martin Gonzalez Hernandez

Tlf:+34-945-01 75 49 Faxa:+34-945-01 75 01

Prentsa-oharrak Interneten: www.eustat.es